

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u vezi sa članovima 36. i 46. Zakona o izvršavanju budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24) i članom 5. Programa utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti“, Budžeta Zeničko-dobojskog kantona za 2024. godinu, broj: 02-11-1888/24 od 29.01.2024. godine i broj: 02-11-12695/24 od 12.07.2024. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 42. sjednici, održanoj 23.08.2024. godine, donosi

ODLUKU

o odobravanju sredstava Općini Tešanj u svrhu sufinansiranja projekta izgradnje novog školskog objekta JU Osnovne škole „9. septembar“ Medakovo, Općina Tešanj

Član 1. (Predmet)

Odobravaju se sredstva Općini Tešanj u ukupnom iznosu od 55.000,00 KM (slovima: pedesetpet hiljadak konvertibilnih maraka) u svrhu nastavka sufinansiranja kapitalnog projekta za 2024. godinu „Završni radovi na uređenju platoa ispred novog školskog objekta JU Osnovne škole „9. septembar“ Medakovo, Općina Tešanj“.

Član 2. (Isplata sredstava)

Odobrena sredstva će se isplatiti iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), sa razdjela 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 615100, pozicija „Kapitalni transferi drugim nivoima vlasti“, Izdaci iz budžeta – Izvor 10.

Član 3. (Ugovor o prenosu sredstava)

Ovlašćuje se ministar Ministarstva za obrazovanje, nauku, kulturu i sport da potpiše Ugovor o prenosu sredstava sa načelnikom Općine Tešanj, sa ciljem realizacije odobrenih sredstava iz člana 1. ove Odluke.

Član 4. (Realizacija Odluke)

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5. (Izveštavanje)

Korisnik sredstva je dužan da Ministarstvu za obrazovanje, nauku, kulturu i sport dostavi izvještaj o namjenskom utrošku odobrenih sredstava u roku od 15 dana od dana utroška istih, a najkasnije u roku od godinu dana od dana doznačavanja sredstava.

Član 6.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-14713/24
Datum, 23.08.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.